

BREVE S.^M D. N.
D. CLEMENTIS
P A P A E V I I I .

FACVLTVM

Illustrissimis, & Reuerendissimis D D. Cardinalib.
Saluiato, de Camerino, & Montalto .

C O N C E S S A R V M

Absoluendi tam Receptores Bannitorum , quam ipsos
Bannitos , & Sicarios , atque alios criminosos vniuersi
status Ecclesiastici, seu cum eis componendi .



BREVE S^U P^{ER} D^{OMINUM}
D. CLEMENTIS
PAPAE VIII.
FACULTATVM

Illustrissimis & Reverendissimis P^{AT} R^{IBUS} D^{OMINIS}
S^{AN}CTISSIMO DE CAMERINO, & MONTECATINI

CONCESSA VIM

Abbatibus, & Superioribus Baniensis, & Montecatini
Baniensis, & Montecatini, & Superioribus Baniensis,
Iuris Electoralibus, seu eorum successoribus.



R. D. M. ...

Dilectis filijs nostris Antonio Mariæ, S. Mariæ de Pace, Saluiato, nec-
non Mariano SS. Marcellini, & Petri titularum Presbyteris de
Camerino, & Alexandro S. Laurentij in Damaso Diacono
Cardinalibus Montalto nuncupatis.

CLEMENS PP. VIII.



ILECTI Filij Nostri, Salutem & Apostolicam benedictio-
nem. In regendis Populis Sanctæ Romanæ Ecclesiæ tempo-
rali ditioni subiectis, quorum curam, & tutelam nobis potis-
simum diuina prouidentia commisit, eam duximus ratione
iucundam nostræ Pastoralis sollicitudini maximè consenta-
neam, vt peccantes quidem, & in peccato perseverantes publi-
cæ præsertim quietis perturbatores, iustitiæ gladio nobis ipsius Domini aucto-
ritate tradito coerceamus; pœnitentibus verò, & ad cor reuersis paternæ clemē-
tiæ, & misericordiæ viscera non claudamus. Horum vtrumque vel ab ipso nos-
tri Pontificatus initio spectantes, cum Prouincias vniuersas, & Populos eiusdē
Romanæ Ecclesiæ à numerosa Exulum, Latronum, Sicariorum, aliorumq; sceleratorum
hominum multitudine, omni facinorum genere miserandum in-
modum vexatas inuenissemus, coacti fuimus magnis laboribus, & impensis
aduersus perditorum huiusmodi hominum pernicitiam, atque impenitentiam
iustitiæ seueritatem dolenter quidem, sed necessariò exercere. Cumq; iam ple-
risq; ex famosis latronum ducibus, eorumq; impijs sectatoribus diuina fauen-
te gratia, & nostrorum militum opera captis, profligatis, aut de medio sublatis
publicam, quam votis omnibus optabamus, tranquillitatem, Deo adiutore,
consecuti simus, ad eam solidius firmendam, stabilicendam, & conseruandam,
non mediocriter pertinere existimauimus, nunc vicissim ijs, quæ superfuerunt
reliquijs nefariorum hominum, qui humiles, & pœnitentes peccatum suum
agnouerint, Apostolicæ clementiæ sinum aperire, vt eos quantum in nobis est,
à via perditionis ad viam salutis reuocatos Christo Domino, & Patriæ salubri-
ter lucremur. Cum igitur intelligamus plurimos ex subditis nostris in illa su-
periorum temporum calamitate, siue metu, exulumq; minis territos, siue ami-
citiâ, necessitudine, aut propinquitate perimotos, siue priuatarum inimicitia-
rum occasione impulsos, vt asseclas; & propugnatores habere viderentur, aut
quibusuis alijs causis inductos cum supradictis exulibus, sicarijs, facinorosissq;
hominibus versatos esse, eosq; domo, & hospitio recepisse, cibaria præ-
buisse, eisq; varijs modis fauisse, alios etiam cum delictorum interdum,
haud ita grauium sibi conscij forent, vt legum, & Iudicum seueritatem vi-
tarent, ad societatem, & contubernium eorundem perditorum quasi ad asy-
lum confugisse, nec desuisse aliquos, qui vel sola animi leuitate, & iuuenti-
surore impulsus ad ostentandum animi, aut corporis robur, vel forsân inopia,
& fame oppressi, & ferè quotidianis per ipsos facinorosos latrones vbiq; im-
pune

pune grassantes sibi, suoq; tenui patrimonio illatis damnis ad extremam to-
lerandæ vitæ desperationem adducti se eisdem scelestis comites adiunxerint:
Quibus partim iam damnatis contumaciæ nomine partim nondum manife-
stò deprehensis, si præteritæ culpæ abolendæ, ac veniæ, & absolutionis ex
pontificia nostra benignitate consequendæ spes aliqua tribueretur, non pla-
nè arduum, nec difficile foret illos veteri malitiæ fermento expurgato ad ve-
ram penitentiam, Christianam vitam, & bonam frugem reuocari: Nos il-
lius vices, licet imparibus meritis, gerentes in terris, qui superbis resistit, hu-
milibus dat gratiam paternum erga subditos nostros animum, præcipuumq.
charitatis affectum modo ex corde respiciant, suscipere, eisq. nec penitus gra-
tiam denegare, neque rursus impunitatem sine vllò delectu largiri decreui-
mus. Quare de vestra singulari prudentia, consilio, & integritate pluri-
mum in Domino confidentes, Circumspectioni vestræ, & duobus saltem ex
vobis coniunctim procedentibus plenam, & liberam facultatem, auctorita-
tem, & potestatem per præsentibus tribuimus, omnes, & singulas vtriuslibet se-
xus personas tam in hac Alma Vrbe nostrâ, quàm in alijs quibuscumq. Prouin-
cijs, Ciuitatibus, Terris, Oppidis, & locis nobis, & Apostolicæ Sedi tam media-
tè, quàm immediatè subiectis, & si eorum Incolæ non sint, & ad illa quoquo-
modo declinauerint, quæ commercium cum cuiusuis generis Bannitis, homici-
cidis, sicarijs, alijsq. supradictis facinorosis hominibus habuerint, eos quoquo-
modo receptauerint, vel eisdem cibum, potum, pecunias, vestimenta, pulue-
rem, pilas plumbeas, plumbum, arma, & alia necessaria subministrauerint, li-
teras, & nuncios eisdem miserint, siue ab eis acceperint, aut equos commoda-
uerint, atque adeò ipsos etiam latrones publicos, viarum grassatores, sicarios,
bannitos, & exules, eorumq; fautores, & receptatores etiam si cum ipsis banni-
tis delictorum complices, socij, participes, & in delictis patrandis vel ban-
nitorum opera vsti fuerint, vel eis auxilium, consilium, & fauorem præstite-
rint tam si dictis de causis delati, processati, inquisiti, & in contumaciam, seu
aliàs condemnati sint, quàm etiam antequam delicta ipsa in iudicium dedu-
cta sint, & ante ceptum processum in quacunq. instantia etiam de quibus
nulla omnino ad curiam notitia peruenerit, tam Laicos, quàm Clericos, & Pres-
byteros seculares, & quorumuis ordinum etiam Mendicantium regulares cui-
uscumque dignitatis gradus, & conditionis fuerint, etiam si ipsi delinquentes
Iurisdictioni Episcoporum, vel cuiuscumque alterius Curie Ecclesiasticæ subie-
cti sint, & causæ ipsæ, & crimina ad forum Ecclesiasticum pertineant, & in eo
processus cepti, & formati, & forsitan etiam condemnationes secutæ fuerint, qui
de admissis dolentes ab intimis, & à similibus abstinere proponentes per se,
vel Procuratorem, aut consanguineos, vel affines, aut alios pro eis agentes ve-
niam humiliter perierint, ab homicidij etiam voluntarij, ac etiam multiplicati,
& alijs quibuscumque atrocibus, grauissimis, & enormissimis criminibus, ex-
cessibus, & delictis ab eis commissis, etiam si talia essent, quæ maiori, magisq.
speciali expressiõne indigerent; necnon excommunicationis, alijsq. censuris,
& pœnis Ecclesiasticis, quas propterea incurrerunt (hæresis, & læsæ Maiesta-
tis

tis in primo capite criminibus dumtaxat exceptis) in vtroq; foro, si propter pau-
pertatem, aut aliàs vobis videbitur gratis absoluendi, & liberandi, capitisq; & vl-
timi supplicij, exilij etiam perpetui, confiscationis bonorum, non tamen Fisco
incorporatorum, aliasq; pœnas temporales, corporales, & pecuniarias, tam per
nostras, quàm etiam dictorum Prædecessorum nostrorum Constitutiones, ac
alias aduersus talia perpetrantes quomodolibet inflictas, arbitrio vestro remit-
tendi, commutandi, & moderandi, siue cum illis, quos pro absolutione, & gra-
tia huiusmodi obtinenda ad nos remittendos duxeritis, componendi, & certam
eis vestro arbitrio compositionem taxandi, eosdemq; si, aut postquam pacem
ab hæredibus, vel propinquis occisorum habuerint; seu partibus læsis satisfacce-
rint, ac aliàs prout vobis visum fuerit, ad patriam, famam, honores, & bona, nõ
tamen Fisco incorporata, necnon in pristinum, & eum, in quo ante commissã
delicta erant statum plenissimè restituendi, omnemq; inhabilitatis, & infamiae
maculam, seu notam ab eis omnino abolendi, processus quoscunq; cõtra eos in
contumaciam, vel aliàs quomodolibet formatos cassari, & aboleri mandandi.
Necnon vniuersis, & singulis Prouinciarum, Ciuitatum, & locorum dicti Status
Ecclesiastici Legatis, Prolegatis, Gubernatoribus, Rectoribus, Locatentibus,
Prestatibus, alijsq; omnibus Iudicibus Ordinarijs, delegatis, & personis cuius-
cumq; dignitatis, ordinis, & conditionis, quauis auctoritate fungentibus, ne sic
absolutos molestare, inquietare, vel perturbare audeant, inhihendi, quinimo, vt
processus, Decreta, Bannimenta, aut condemnationes, & acta quacumq; contra
eos facta gratis omnino cassent, & aboleant, præcipiendi, ceteraq; omnia facien-
di, & exequendi, quæ in præmissis, & circa ea necessaria fuerint; & opportuna.
Volentes, & Apostolica auctoritate decernentes, quòd omnes ij, quibus gratias,
absolutiones, remissiones etiam per modum compositionis vigore præsentium
per vos concedi contigerit, & eorum vnusquisq; idoneas cautiones, & fideiussio-
nes de se representando, sub penis, & infra tempus arbitrio vestro declarandum
præstare teneantur, aut si propter inopiam id fieri nequeat, aliàs arbitrio vestro
ad cauendum pariter, siue ad se obligandum saltem cum iuramento de se repre-
sentando tam ipsi, quàm pro ijs contanguinei, vel affines propinquiiori gradu cõ-
iuncti cogi, & compelli possint, & debeant. Quæ quidem cautiones, obligatio-
nes, aut fideiussiones non temporales sint, sed perpetuò durent, nec vnquam ex
quouis causã etiam iuridica à quoquam quauis dignitate, vel auctoritate fungẽ-
te, nisi de speciali gratia Romani Pontificis manu signata, cassari, aboleri, aut
quisquã ab earum vinculis eximi, vel liberari valeat; quin potius omnes, & qua-
cumq; abolitiones, aut liberationes, si quas forsan de facto attentari contigerit,
nulli sint roboris, & momenti, nec cuiquam suffragentur, quominus personæ
prædictæ, vt prius obstructæ remaneant, & eueniente casu ad obseruantiam pro-
missionum arctari, & compelli possint. Insuper declaramus instrumentis tantum
authenticis conficiendis per Tabellionem, seu Notarium publicum vestro iussu
coram testibus, vt moris est, super huiusmodi gratijs, absolutionibus, aut com-
positionibus per vos faciendis rogatum, nec aliàs plenam, atq; indubitatam fidẽ
in iudicio, & extra illud adhiberi, idq; ad probandum facultatem, vobis per præ-
sentes

sententiam attributam sufficere, nec ipsarum presentium insertionem, nec aliud omnino adnuncium requiri, neque absolutiones, & gratias supradictas, ac quaecumque Decreta, per vos vigore presentium gesta, de subreptionis, obreptionis, aut nullitatis vitio, intentionis, vel alio quouis defectu notari, impugnari, inuaditari, in ius, vel controuersiam reuocari, aut ad terminos iuris reduci posse, sed illa perpetuo valida, & efficacia fore. Sicque per quoscumque Iudices ordinarios, & delegatos, etiam causarum Palatii Apostolici Auditores, sublata eis aliter iudicandi facultate, iudicari, & diffiniri debere, irritumque, & inane, si secus super his à quoquam quauis auctoritate scienter, vel ignoranter contingerit attentari. Ipsum verò Notarium, seu Notarios tam à vobis ad praemissa adhibendos, quam in partibus de abolitionibus, & cassationibus processuum, seu bannimentorum, aut Decretorum pro tempore rogatos, iubemus exigua, & tenui mercede per vosmetipsos taxata in Romana Curia; extra eam verò duobus tantum iulij pro rogatu cuiuslibet abolitionis, & vno pro rogatu cautionis, seu fideiussionis omnino contentos esse, nec quicquam ulterius etiam pro atramento, cera, capsula, cordulis, Sigillo, Carta, labore petere, seu praetendere, aut oblatum recipere posse, & si receperit, poenam priuationis officij Tabellionatus, & inhabilitatis perpetuae ad illud exercendum, ac exilij perpetui à tota ditione praedicta ipso facto incurrere. Caterum omnes, & quascumque Romanorum Pontificum Praedecessorum nostrorum Constitutiones, & Literas Apostolicas, per quas in genere, vel in specie quibuscumque Legatis, Vicelegatis, Praesidibus, Gubernatoribus, & Officialibus Ciuitatum, Prouinciarum, & locorum dictae ditionis territorialis Ecclesiasticae, quauis dignitate, & praerogativa etiam Cardinalatus honore fulgentibus, necnon Baronibus, & Domicellis, seu Dominis temporalibus Terrarum, Castrorum, & locorum dictae ditionis, quauis & Marchionali, & Ducali, vel alia maiori auctoritate gradu, aut titulo insignitis, merumque, & mixtum Imperium, & gladij potestatem habentibus, Bannitos, & Sicarios praedictos absoluedi, seu cum eis componendi, vel ad quamcumque gratiam admittendi facultas adimitur, & denegatur, illarum tenores presentibus pro expressis habentes, harum serie approbamus, confirmamus, & innouamus, illasque firmiter, & inuoluntate obseruari iubemus, Districtius inhibentes vnicuique, ex supradictis, ne quis eorum tale quidpiam attentare audeat, vel praesumat; & nihilominus quascumque per eos forsitan de facto concedendas gratias eo ipso nullas, irritas, & inuoluntas esse, & censi, viribusque, & effectu omnino carere, nec ipsis impetrantibus professe, aut suffragari; Contra ipsos verò concedentes cuiuscumque status, gradus, nobilitatis, aut conditionis fuerint, etiam per viam Inquisitionis, querelae, aut ex mero officio tam in Sindicatu, quam alias quandocumque ad poenas non solum in praedictis Constitutionibus contentas, verum ad alias etiam grauiores priuationis officiorum, dignitatum, & feudorum per eos obtentorum, inhabilitatisque ad illa, & alia in posterum obtinenda, infamiae, atque ignominiae perpetuae, sine vlla spe veniae procedi debere statuimus, & decernimus. Non obstantibus praemissis, ac nostris, aliisque Apostolicis Constitutionibus, & ordinationibus, etiam contra huiusmodi homicidas, Bannitos, & alios facinorosos

norosos quomodolibet editis, priuilegijs quoque indultis, & literis Apostolicis
 in contrarium quomodolibet concessis, & innouatis, cuiuscumq; tenoris exi-
 stant, per quæ præsentibus, nostrisq; huiusmodi Literis non expressa, aut omni-
 no non inserta effectus gratiarum à vobis earundem præsentium auctoritate
 faciendarū impediri valeat quomodolibet, vel differri; Et de quibus, quorumq;
 totis tenoribus habenda esset in nostris, vel vestris Literis huiusmodi mentio
 specialis, cæterisq; contrarijs quibuscunq;. Volumus autem facultatem vo-
 bis per præsentem concessam huiusmodi lapso biennio à data præsentium nu-
 merando omnino expirare, quodq; ij, qui prædictam libertatem, & indulgen-
 tiam in vim præsentium obtinuerint, pœnitentiam salutarem sibi postmodum
 per Confessarios idoneos à locorum Ordinarijs approbatos, quibus plenam su-
 per prædictis facultatem concedimus, iniungendam adimplere teneantur. Ea-
 rundem verò præsentium exemplis etiam impressis Notarij publici manu, &
 Prælati Ecclesiastici Sigillo munitis eandem prorsus fidem in iudicio, & extra,
 illud adhiberi debere, quæ eisdem præsentibus adhiberetur, si essent exhibitæ,
 vel ostensæ. Datum Romæ apud Sanctum Petrum sub Annulo Piscatoris, die
 tertia Nouembris. M. D. X C II. Pœnitentis Nostri Anno Primo.

M. Vestrius Barbianus.

Anno à Natiuitate Domini Nostri Iesu Christi, Millesimo quingentesimo nonagesimo secundo, Indictio-
 ne quinta, die verò quinta mensis Nouembris, Pontificatus Sanctissimi in Christo Patris, & D. N. D.
 Clementis diuina prouidentia Papæ Octauus, Anno eius Primo, Supradictæ litteræ affixæ, & publicatæ
 fuerunt ad Valuas Basilicarum SS. Petri, & Ioannis Lateranen. de Vrbe, necnon in Acie Campi Flo-
 ræ, & ad Valuas Cancellariæ Apostolicæ, per nos Io. Bapt. Bagni, & Franciscus Baron prælibati San-
 ctiss. D. N. Papæ Curæ.

Hieronymus Lutijs Magist. Curæ.